

Arkiv: <arkivID><jplID> FE-144
JournalpostID:
Sakshandsamar:
Dato: 15.05.2023

Saksframlegg

Saksnr.	Utval	Møtedato
032/23	Utval for helse og omsorg	06.06.2023

Veteranplan for Alver kommune - oppstart planarbeid

Kommunedirektøren sitt framlegg til vedtak:

Utval for helse og omsorg godkjenner oppstart av planarbeid (handlingsplan) – Veteranplan for Alver kommune 2023-2027

Utval for helse og omsorg 06.06.2023:

Handsaming:

Utvalet vedtok samrøystes kommunedirektøren sitt framlegg til vedtak.

HO- 032/23 Vedtak:

Utval for helse og omsorg godkjenner oppstart av planarbeid (handlingsplan) – Veteranplan for Alver kommune 2023-2027.

Politisk handsaming

Saka skal avgjerast i utval for helse og omsorg.

Saka gjeld

Viser til [Alver kommunestyre sak 039/21 den 25.03.21: Revidert planstrategi for Alver kommune 2021-2024](#) og utarbeiding av Veteranplan for Alver kommune. Føremål er å utarbeide ein handlingsplan som kan bidra til å etablera og gjennomføre systematisk oppfølging av veteraner og deira familiar og å gje heider og anerkjennelse til veteranane.

Alver kommune sin [Kommuneplan samfunnsdel 2022-2034](#) legg føringar for korleis vi vil utvikle samfunnet, kva vi skal satse på, kva visjonar og mål vi har for framtida – og kva vi må gjere for å kome dit. Med omsyn til utarbeiding av Veteranplan kan ein her vise til eit av satsingsområda i kommuneplan: Innbyggjarane i Alver har god livskvalitet, trygge oppvekstvilkår og god helse.

Saksopplysningar

Bakgrunn:

Fridom er ikkje noko me kan ta for gitt. Det er lenge sidan det var krig i landet vårt. Men det har vore, og er andre konflikhtar i verda, der nordmenn bidreg i kampen for fred. Sidan 1947 har 100 000 nordmenn tenestegjort i internasjonale operasjonar på våre vegne.

Oppleving av krig og konflikt kan vera traumatisk og setja spor, både for veteranane sjølve, men og for pårørande og familie. Varetaking av veteranar frå internasjonale operasjonar er eit samfunnsansvar for alle sektorar, og spesielt for den kommunen veteranane bur i.

Nasjonale føringar er:

[St.meld. nr. 34 \(2008-2009\) "Fra vernepliktig til veteran"](#)

[Regjeringens handlingsplan \(2011-2013\) "I tjeneste for Norge - handlingsplan for ivaretagelse av personell før, under og etter utenlandstjeneste"](#)

[Regjeringens oppfølgingsplan \(2014\) for ivaretagelse av personell før, under og etter internasjonal teneste.](#)

I regjeringa si oppfølgingsplan frå 2014 ligg det eit oppdrag til kommunane:

«Det bør legges til rette for bedre samhandling og utvikling av lokale tiltak for oppfølging og ivaretagelse av personell som har vært i internasjonal tjeneste. Kommunene oppfordres til å utarbeide kommunale eller interkommunale veteranplaner.

Planene bør fokusere på behov til veteraner og deres familier, med fokus på samhandling mellom ulike kommunale aktører. Sentrale elementer i planene bør være kompetanseheving, beskrivelse av forpliktende samarbeid mellom relevante aktører, og ivaretagelse av veteraner og deres familier, som har behov for ulike tilbud.»

Den nasjonale handlingsplanen og oppfølgingsplanen har som målgruppe «alle norske statsborgere som har deltatt eller deltar i fredsbevarende, fredsopprettende eller statsbyggende innsats i andre land, fra utenriks-, justis- og forsvarssektoren». Denne kommunale planen vil omhandla same målgruppe. Dei som har delteke frå forsvarssektoren, vert å nemna som veteranar.

Plan – mål og prosess

Veteranplan for Alver kommune er ein handlingsplan 2023-2027, og framlegget vert utforma administrativt.

Det er ei overordna målsetting at Veteranplan for Alver kommune byggjer regjeringa sin oppfølgingsplan og at tiltaka omhandler tema som anerkjenning, varetaking og oppfølging.

Slik vil vi nå målsettingar som å:

- Anerkjenning, vareta, og følgja opp veteranane våre før, under og etter internasjonal teneste for Noreg.
- Gjera det enklare for kommunen å fylla rolla som primær tenesteleverandør for veteranane sine behov i lokalsamfunnet.
- Auka samhandling i kommunen, slik at veteranar og familiane deira vert møtte med kompetanse og forståing.
- Fungera som eit opplysnings- og informasjonsdokument for både veteranar, kommunen og lokalsamfunn som heilskap, der m.a. ulike «veteranpsesifikke ressursar» vert gjort kjent.

Forsvaret har ulike informasjon og verktøy som kommunane nyttar i planarbeidet, sjå lenke:

[Kommunalt og offentlig veteranarbeid - Forsvaret](#)

Medverknad

Administrasjon vil i planprosess søkje samarbeid med aktuelle kompetansemiljø lokalt og nasjonalt. Aktuelle eksterne kompetansemiljø er mellom anna: Forsvarets veteraneneste, Regionalt ressurscenter om vold, traumatisk stress og sjølvmoordsførebygging (RVTS), Skadde i internasjonale operasjonar (SIOPS), og Norges Veteranforbund for Internasjonale Operasjonar (NVIO).

Planen vil verte kunngjort på kommunal heimeside og sendt på høyring til relevante høyringspartar.

Vurdering:

Overordna mål med å utarbeide ein kommunal veteranplan er å styrkje anerkjenninga, varetakinga og oppfølginga i samfunnet av veteranane og familiane deira før, under og etter at dei har vore i internasjonal teneste for Noreg.

Ved utarbeiding av Veteranplan for Alver kommune vil vi følgje opp nasjonale målsettingar kombinert med administrativ planprosess i samhandling med aktuelle lokale og nasjonale kompetansemiljø. Kommunedirektør

vurderer at desse føringane vil bidra til ein handlingsplan som varetar vårt ansvar ovanfor veteranane og familiane deira som bur i kommunen vår.

Kommunedirektøren si tilråding

Kommunedirektøren tilrår at utval for helse og omsorg godkjenner opptart av planarbeid – Vetaranplan for Alver kommune jamfør saksframlegg.